



千金方

廿五

卷之九

惡疾大風

五痔

九漏

疥癬

腸癰

產漏凡五類

武
175
25



門 賦
175
28

篤信堂



孫真人備急千金要方卷之六十九

九漏第一 瘰癧附論一首 灸法十六首

論曰夫九漏之為病者寒熱瘰癧在於頸腋者何氣使生此皆鼠瘻寒熱之毒氣也堤留於脉而不去者也鼠瘻之本皆根在於臟其末上出於頸腋之下其浮於脉中而未著於肌肉而外為膿血者易去去之奈何曰請從其末引其本可使衰去而絕其寒熱審按其道以平之徐往來以去之其小如麥者一刺知三刺已決其死生奈何曰反其目視其中有赤脉從上下貫瞳子見一脉一歲死見二脉半一歲半死見三脉二歲死見四脉半二歲半死見五脉三歲死赤脉不下貫瞳子可治也

千金方

卷六十九

四百四十五茂林



篤信堂

凡項邊腋下先作瘰癧者欲作漏也宜禁五辛酒麪及諸熱食
 凡漏有似石癰累累然作瘰癧子有核在兩頸及腋下不痛不熱
 治者皆練石散傳其外內服五香連翹湯下之已潰者治如癰
 法諸漏結核未破者火針針使著核結中無不瘥者何謂九漏
 一曰狼漏二曰鼠漏三曰蝮蝮漏四曰蠱漏五曰虵蟥漏六曰
 蟻螬漏七曰浮沮漏八曰瘰癧漏九曰轉脉漏
 空青商陸散治狼漏始發於頸腫無頭有根起於缺盆之上連
 延耳根腫大此得之憂恚氣上不得下其根在肝肺一作空青主
 之商陸爲之佐方

空青 蝟腦各二分 蝟肝一具 芎藭半 獨活 黃芩

鼈甲 婦人葶草 商陸 斑猫 乾薑 地膽
 當歸 茴香 礬石各一分 蜀椒三十粒
 右十六味治下篩酒下方寸七日三服十五日服之
 狸骨知母散治鼠漏始發於頸無頭尾如鼯鼠使人寒熱脫肉
 此得之食有鼠毒不去其根在胃狸骨主之知母爲之佐方

狸骨 知母 桂心 鯪鯉甲 山龜殼 甘草
 雄黃 乾薑各等分

右八味治下篩飲服方寸七日二仍以蜜和內瘡中無不瘥
 先灸作瘡後以藥傳之已作瘡不用灸
 地黃膏治鼠漏瘡瘻復發及不愈出膿血不止方

右以不中水猪脂咬咀生地黄内脂中令脂與地黄足相淹
和煎六七沸其瘡先用桑灰汁洗去惡汁次以地黄膏傅上
日一易

治鼠漏方

右用蛇虺所吞鼠燒末服方寸七日再不過三服此大驗但
難遇耳并傳瘡中佳

又方 死鼠一枚中 亂髮如雞子

右二味以臘月猪脂煎之令消盡膏成分作二分一分稍稍
塗瘡一分稍稍酒服之瘡鼠子當從瘡中出良

荏子桔梗圓治蝮蝮漏始發於頸項狀如腫此得之食瓜菓實

毒不去其根在大腸荏子主之桔梗為之佐方

荏子兩各半 龍骨兩各半 附子兩 蜀椒粒百

桂心 桔梗 乾薑 礬石

獨活 芎藭各一分

右十味為末以棗二十枚合搗醋漿和丸如大豆溫酒下五
九加至十九

雄黃黃芩散治蜂漏始發於頸瘰癧三四處俱相連已潰此得
之飲流水中有風毒不去其根在脾雄黃主之黃芩為之佐

雄黃 黃芩各一兩 蜂房具一 茴香

吳茱萸 乾薑各半兩 蜀椒粒二百 鼈甲

右八味治下節傳瘡口上日二度十日止
礬石防風散治蚘蟬漏始發於頸初得如傷寒此得之食中有
蚘蟬毒不食其根在腎礬石主之防風爲之佐

礬石

防風

知母

雌黃

桃白皮

乾地黄

獨活

青黛

斑猫

白芷

松脂一作栢脂

芍藥

海藻

當歸各三分

白朮

蛭皮各四分

蜀椒百粒

右十七味治下節飲服一錢七日止

礬石白朮散治瘰癧漏始發於頸下無頭尾如棗核塊累移在

皮中使人寒熱心滿此得之因喜怒哭泣其根在心礬石主之
白朮爲之佐

礬石

白朮

空青

當歸各二分

細辛兩

蛭皮

斑猫

枸杞

地膽各一分

乾烏腦豆七許

右十味治下節以醋漿服方寸七日二病在上側輪臥在下

高枕臥使藥流下

地膽甘草散治浮沮漏始發於頸如兩指使人寒熱欲臥此得
之因思慮憂愁其根在膽地膽主之甘草爲之佐

地膽

雄黃

乾薑

續斷

石決明

菴藺根

龍膽各三分

細辛二分

大黃半分

甘草一分

右十味治下節傳瘡日四五度

古今錄驗無雄黃有琉黃

雌黃芍藥圓治瘰癧漏始發於頸有根初苦痛令人寒熱此得之因新沐濕結髮汗流於頸所致其根在腎雌黃玉之芍藥為之佐

雌黃

芍藥

茯苓

續斷

乾地黄

空青

礬石

乾薑

桔梗

蜀椒

恒山

虎腎

狸肉

烏腦

斑猫

礬石各一分

附子兩

右十七味為末蜜丸如大豆酒服十九日

斑猫白芷圓治轉脉漏始發於頸濯濯脉轉若驚惕身振寒熱此得之因驚臥失枕其根在小腸集驗斑猫王之白芷為之佐

斑猫

白芷

綠青

大黃各一分

升麻

鍾乳

甘草

防風

地膽

續斷

麝香

礬石各一分

人參

當歸

桂心各二分

白朮

麥門冬各兩

右十七味為末蜜丸如大豆酒服十九日勿食棗慎房室

百日外外臺無天黃桂心麥門冬白朮鍾乳
治九漏方

空青	商陸	知母	狸骨
桔梗	防風	荏子	礬石
黃芩	白芷	芍藥	甘草
雌黃	白朮	礬石	地膽
斑猫	雄黃 <small>各等分</small>		

右十八味為末蜜丸如大豆以酢服三九三十日知四十日
愈六十日平復百日内慎房室一方為散醋服三日

又方蝟皮半枚 鱧鯉甲 樗雞各四枚 鶴骨六分

蜥蜴	蜈蚣 <small>各一枚</small>	蜀椒	附子
當歸	蜂房	地榆	桂心
通草	乾漆	牡丹	薏苡仁
蒺藜子	漏蘆 <small>一作藟</small>	龍膽 <small>一作龍骨</small>	土瓜 <small>各二分</small>
斑猫 <small>四分</small>	蛇牀子	苦參	大黃
雄黃	蛇蛻皮	蘭茹	細辛 <small>各二分</small>

右二十八味治下篩酒服五分七以知為度日一服

又方斑猫七十枚 蝟皮 真珠 雄黃各等分

右四味治下篩酒服半錢七日三

又方末成鍊松脂填瘡孔令滿日三四度七日瘡有神驗

又方斑猫二七枚 雄黃 桂心 犀角各一兩

右四味治下篩酒服一錢七日再服病從小便出

又方馬齒莧乾陰 臘月燭燼各等分

右二味為末以臘月猪脂和其瘡先以暖泔清洗淨拭乾然後以藥傅之日三

又方乾牛屎 乾人屎各等分

右二味擣先用綿裹瘡上綿上著屎蟲聞屎香即出若瘡即舉綿去之更別取屎及綿著其上如前蟲盡乃止

又方苦匏四枚大如盞者各穿一孔如指大置湯中煮十數沸

取一竹筒長一尺一頭內匏孔中二頭注瘡孔上冷則易之

治一切漏方

補止

斑猫四十枚 豉四十粒 元青二枚 生大豆黃

地膽各十枚 蜈蚣一升 犀角 牛黃各棗核大

右八味為末蜜丸如梧子大飲服二九須更多作酸漿粥冷

飲之病從小便出尿盆中相視如有蟲形狀又似膠汁此病

出也間日一服飲粥如常小弱者隔二四日候無蟲出瘡漸

瘡特忌油膩一切器物皆須灰洗乃作食崔氏云治九漏初

服二九至七日甚虛悶可煮食蔓菁菜羹自餘脂膩酸口味

果子之類並不得食人強隔日一服人弱兩三日一服瘡後

仍作二十日將息不須服

又方者鹽花以麪攤病上內鹽花麪匡中厚二寸其下以桑葉
三重藉鹽候冷熱得所可忍冷則無益熱則以肉一日一度候
瘰癧根株勢消則止若已作瘡者擣稜殼為末粉之
又方槲朮陰白皮三十斤剉碎以水一石煮取一斗去滓煎如
糖又取都廁上雌雄鼠屎各十四枚燒令汁盡為末內煎中又
溫酒一升投煎中合攪之羸人服五合當有蟲出
又方霜下匏花曝乾為末傳之
又方擣二瓜根傳之燥則易不限時節
又方死蛇去皮肉取骨為末合和封瘡上大痛以杏仁膏摩之
止

又方死蛇和臘月猪脂合燒灰為末內孔中
又方燒死蜚蠊為末醋和塗又死蛇灰醋和傳之
又方故布裏鹽如彈丸大燒令赤為末酒服
又方服白馬屎汁一升
又方水研杏仁服之
又方猪脂一升酒五合煎沸頓服之
又方鹽麩和燒灰傳之
又方正月椎狐屎陰乾擣末水和服
治漏作瘡孔方
右用露蜂房為末臘月猪脂和傳孔中

治漏發心胃以下者方

松脂 武都雄黃各三兩

右二味和為塊刀子刮為散飲服一方寸七日二不瘥更合

治漏方

鍛落鐵屑 狗頰車連齒骨 虎糞 鹿皮合毛燒為灰各等分

右四味治下節以猪膏和內瘡中須更即易日五六度

治一切冷瘻方

右用燒人所吐蛔蟲為灰先用甘草湯洗去瘡惡然後著灰

無不瘥者慎口味

治鼠瘻腫核痛未成膿者方

右以稻葉傳腫上熬鹽著葉上熨之令熱氣下即消
治風漏及鼠漏方

赤小豆 白欬 黃耆 牡蠣各等分

右四味治下節酒服方寸七日三

治螻蛄瘻方

右先以泔清煮柵葉取汁洗瘡拭乾次以柵葉灰內瘡中

治蜂瘻方論

初生狀如桃而瘻搔之則引大如雞子如覆手者熬鹽熨之
三宿四日不瘥至百日成瘻其狀大如四五寸石廣三寸中
生蜂作孔乃有數百以石硫黃隨多少然燒令汁出著瘻孔

中須臾間見蜂數十蜂盡乃瘥

治蜂癩方
以人屎蛇蛻灰臘月猪膏和傳之

又方鴟頭灰傳之

又方取蜂窠燒灰臘月猪膏和傳孔中

治蟻漏孔容針亦有三四孔者方

右用蝟皮肝心燒灰為末酒服一錢七

又方死蛇腹中鼠取臘月猪脂煎候焦去滓傳之

又方取大鯊鮓燒耕坐土令赤以苦酒浸坐土時合壁土故熱以黃鮓蓋壁上展轉令熱傳瘡上

抄字曰色或土色字務相代也

又方鱗鯉甲二七枚燒末以猪膏和傳瘡上

又方半夏一枚擣末以鴨脂和傳瘡上

治瘰癧癭橫闊作頭狀若杏仁形亦作瘰癧方

右用雄鷄屎燒灰臘月猪脂和封之

治蟪蝗癭方

右用牛屎燒灰臘月猪脂和傳之

又方蟪蝗丸即蟪蝗所食屎也為末傳之

又方乾牛屎為末傳之瘡即撥却更厚封瘡乃止

又方熱牛屎塗之數易應有蟪蝗出

治蛭蚓癭方

方

卷六

十

瘡

雞屎

蚯蚓屎

右二味為末用社猪下諸髓和傳之

治蠟瘻五六孔皆相通者方

右搗茅根汁著孔中

治蝦蟇瘻方

右用五月五日蛇頭及野猪脂同水衣封之佳

治蛇瘻方

右用蛇蛻皮燒灰臘月猪脂和封之

治蛙瘻方

右用蛇腹中蛙燒灰封之

治顛當瘻方

以搗土瓜根傳至瘻慎口味

治雀瘻方

右取母猪屎燒灰臘月猪膏和傳上當有蟲出如雀形

治膿瘻方

右用桃花末以猪脂和封之佳

治石瘻兩頭出者其狀堅實令人寒熱方

右以大鍍針破之次用鼠粘葉二分為末和鷄子白一枚封之

又方搗槐子和并花水封之

灸漏法

葶藶子二

鼓升一

右二味和搗合極熟作餅子如大錢厚二分許取一枚當瘡孔上作大艾炷如小指大灸餅上三炷一易三餅九炷隔三日復一灸外臺灸瘰癧古今錄驗云不可灸頭瘡葶藶氣入腦殺人

又方搗生商陸根捻作餅子如錢大厚三分安漏上以艾炷上餅乾易之灸三四升艾瘡外臺灸瘰癧

又方七月七日日未出時取麻花五月五日取艾等分合搗作炷用灸瘡上百壯外臺灸瘰癧

九漏灸肩井二百壯○漏灸鳩尾骨下宛宛中七十壯○諸漏

灸癰周四畔瘥○諸惡漏中冷息肉灸足內踝上各三壯二年

六壯

寒熱胃滿頸痛四肢不舉腋下腫上氣胃中有音喉中鳴天池主之

寒熱頸領腫後谿主之

寒熱酸瘠痛四肢不舉腋下腫馬刀瘦喉痺髀膝脛骨搖酸痺

不仁陽輔主之

寒熱頸腋下腫申脉主之

胃中滿腋下腫馬刀瘦善自嚙舌頰天牖中腫寒熱胃脇腰膝外廉痛臨泣主之

寒熱頸腫丘墟主之
 腋下腫馬力肩腫吻傷太衝主之
 寒熱頸癩癰大迎主之
 五白膏治鼠漏及癩癰方

白馬屎 白牛屎 白猪屎 白羊屎

白雞屎各一升 漏蘆二斤

右六味各於石上燒作灰研絹篩之以猪膏一升三合煎亂
 髮一兩半令極沸盡消乃內諸末微火上煎五六沸藥成去
 瘡痂以鹽湯洗新帛拭乾然後傅膏若無痂猶須湯洗日再
 若著膏當以帛裹上勿令中風冷神驗

曾青散治寒熱癩癰及鼠瘦方

曾青 荏子 礬石一作礬石 附子各半

栝蒌根 露蜂房 當歸 防風

芎藭 黃耆 黃芩 狸骨

甘草各二兩 細辛 乾薑各一兩 斑猫

元青各五枚

右十七味治下篩以酒服三方寸七日再治寒熱癩癰方

土瓜根 連翹 龍膽 黃連

栝蒌根 苦參 芍藥 恒山各一兩

右八味治下篩酒服五分七日三千金翼外臺有狸骨一枚又千金翼一方有當歸無

栝山 栝萸

薔薇圓治身體有熱氣瘰癧及常有細瘡并口中生瘡方

薔薇根兩三 黃耆 黃芩 鼠李根皮

栝萸根 芍藥 苦參 石龍芮

防風一作防己 白欬 龍膽各一兩 梔子仁四兩

右十二味為末蜜丸如梧子大飲服十五丸日再服千金翼有黃蘗一兩

治瘰癧方

右用白殭蠶治下篩水服五分七日三服十日瘥

又方狸頭一枚炙擣篩飲服方寸匕日二服

又方故鞋內檀替燒末五匕和酒一升平旦向日服強行須

按強行須三字不穩

又吐鼠出二朝服外臺

又方狸頭蹄骨等炙黃擣篩為散飲服一錢匕日三服

又方猫兩眼陰乾燒灰并花水服方寸匕日再服

又方乾猫舌為末傳瘡上

又方狼屎灰傳之

又方狐頭狸頭灰傳之

又方五月五日取一切種種雜艸煮取汁洗之

又方猫腦 菴艸 右二味各等分為末著孔中

灸瘰癧法

灸瘰癧法

一切瘰癧在項上及觸處但有肉結疑似作癩及癰瘡者以獨蒜截兩頭留心大作艾炷稱蒜大小帖瘰癧上灸之勿令上破肉但取熟而已七壯一易蒜日日灸之取消止一切瘰癧灸兩膺裏患瘰癧處宛中日一壯七日止神驗又灸五里人迎各三十壯又灸耳後髮際直脈七壯又灸患人背兩邊腋後文上隨年壯

孫真人備急千金要方卷之六十九

孫真人備急千金要方卷之七十

宋朝奉郎守太常少卿充秘閣校理林億等校正

腸癰第二論三首 灸法二首 方三十三首

論曰卒得腸癰而不曉其病候愚醫治之錯則殺人腸癰之為病小腹重而強抑之則痛小便數似淋時時汗出復惡寒其身皮皆甲錯腹皮急如腫狀其脈數者小有膿也巢源云數者已有膿也其脈遲緊者未有膿也甚者腹脹大轉側聞水聲或達臍生瘡或膿從臍中出或大便出膿血問曰官羽林婦病醫脈之何以知婦人腸中有膿為下之即愈師曰寸口脈滑而數滑則為實數則為熱滑則為榮數則為衛

衛數下降榮滑上升榮衛相干血為濁敗小腹痞堅小便或澀或復汗出或復惡寒膿為已成設脈遲緊即為瘀血血下則愈

大黃牡丹湯

大黃 四兩

牡丹 三兩

硝磺 二兩

瓜子 一升

桃仁 五十枚

右五味㕮咀以水五升煮取一升頓服當下膿血剛繁方用碎硝磺合

瓜子五合劉涓子用消石三合云腸癰之病小腹痞堅或在膀胱左右其色或白堅大如掌熱小便數時白汗出其脈遲堅者未成膿可下之當有血脈數膿成不復可下肘後名瓜子湯三十三首

腸癰湯方

牡丹

甘草

敗醬

生薑

茯苓

各二兩

桔梗

薏苡仁

麥門冬

各三兩

丹參

芍藥

各四兩

生地黄

五兩

右十一味㕮咀以水一斗煮取三升分三服日三

又方薏苡仁一升牡丹皮

桃仁 各三兩

瓜瓣仁 二升

右四味㕮咀以水六升煮取二升分再服姚氏不用桃仁用杏仁崔氏有硝磺

二兩云腹中疝痛煩痛不安或脹滿不下飲食小便澀此病多是腸癰人多不識婦人產後虛熱者多是此病縱非癰直但是便服此方無傷損也

又方雄雞頂上毛并屎燒作末空心酒服之

又方截取檐頭尖少許燒灰水和服當作孔出膿血取愈凡腸

癰其狀兩耳輪文理甲錯初患中腹痛或繞臍有瘡如粟皮熱

便膿血出以赤白下不治必死方

馬蹄灰以雞子白和塗即拔氣不過再

又方瓜子三升搗末以水三升煮取一升五合分三服

又方死人塚上土作泥塗之

治內癱未作頭者方

右用伏雞屎服之即瘥

又方馬牙灰雞子和塗之乾則易

灸腸癰法

屈兩肘正灸肘頭銳骨各百壯則下膿血即瘥

論曰產後宜勤濟乳不宜令汗著積著積不去便結不復出惡

汁按內引熱溫壯結堅牽掣痛大渴引飲乳急痛手不得近成

妬乳非癰也急灸兩手魚際各二十七壯斷癰脈也不復惡手

近乳汁亦自出便可手助近將之則乳汁大出皆如膿狀內服

連翹湯外以小豆薄塗之便瘥

婦人女子乳頭生小淺熱瘡癢搔之黃汁出浸淫為長百種治

不瘥者動經年月名為妬乳婦人飲兒者乳皆欲斷世謂苟抄

乳是也宜以赤龍皮湯及天麻湯洗之傅二物飛鳥膏及飛鳥

散佳若始作者可傅黃芩漏蘆散及黃連胡粉散並佳

赤龍皮湯方

右用槲皮切三升以水一斗煮取五升夏冷用之冬溫用之

分以洗乳亦洗諸深敗爛之瘡洗竟傳膏散

天麻湯方

右用天麻草切五升以水一斗半者取一斗隨寒熱分洗乳以殺癢也此草葉如麻冬生夏著花赤如鼠尾花也亦以洗浸淫黃爛熱瘡癢疽濕陰蝕小兒頭瘡洗竟傳膏散

飛鳥膏方

傾粉是燒朱砂作水銀上 礬石 各三兩

右二味為末以甲煎和如脂以傳乳瘡日二傳作散者不須和汁自著者可用散及諸熱瘡黃爛瘡浸淫汁癢丈夫陰蝕癢濕瘡小兒頭瘡月蝕口邊肥瘡癩瘡等並皆主之

黃連胡粉散

黃連 二兩 胡粉 十分 水銀 一兩

右三味黃連為末相和粟皮裏熟按之自能和合縱不得成一家亦得水銀細散入粉中也以傳乳瘡諸濕瘡黃爛肥瘡等看乾著甲煎為膏

治如乳生瘡方

蜂房 猪甲中土 車轍中土 各等分

右三味為末苦酒和傳之

鹿角散治婦人乳生瘡頭汁出疼痛欲死不可忍者

鹿角 三分 甘草 一分

喇口哈... 去反同

右二味治下節和以雞子黃於銅器中置溫處灸上傳之日
再即愈神驗不傳

治妬乳方

右以葵莖灰搗篩飲服方寸七日三即愈集驗左直搗子為散不為灰
又方燒自死蛇為灰和以猪膏塗之良
灸法

右以蒲橫度口以度從乳上存灸度頭二七壯

論曰產後不自飲兒并失兒無兒飲乳乳苦喜結難不飲兒念
乳上腫者以雞子白和小豆散傳乳房念消結也若飲兒不泄者數捻去之亦可令大孩子念求使口中念為喇取滯乳汁吐

去之不冷冰漱去熱喜念乳頭作瘡乳乳塞也

凡女人多患乳癰年四十已下治之多瘡年五十已上慎勿治
治之多死不治自得終天年

連翹湯治妬乳乳癰方

- 連翹 砒硝各一兩 芍藥 射干 升麻
- 防己 杏仁 黃芩 大黃 柴胡
- 甘草 各三兩

右十一味吹咀以水九升煮取二升五合分三服

治乳癰方

- 麥門冬一升 黃芩 芍藥 茯苓各二兩 桑寄生

千金方

卷二十一

五

加六

人參 黃耆 防風 甘草 粘糖八兩

右十一味攷咀以水一斗煮取三升去滓肉糖下沸分四服

又方先服前件湯五日後服此丸即愈方

天門冬五兩澤蘭五分 大黃十分升麻六分 羌活
桑寄生 防風 人參 黃耆 乾地黄
白芷 通草各二分 黃芩 枳實 五味子

茯苓 天雄 芎藭 當歸各一分

右十九味為末蜜丸酒服二十九日加至四十九日
治乳癰始作方廣濟方云治乳癰大堅硬赤紫色衣不得近痛不可忍者

大黃 棟實 芍藥 馬蹄各等分

右四味治下篩飲服方寸匕取汗出瘡上廣濟方云酒服方寸

後腫處散不痛經宿乃消

排膿散治乳癰除惡肉方

茯苓 鐵精 桂心 細辛 黃芩
芍藥 人參 防已一作防風 乾薑 當歸各三分
甘草五分

右二十二味治下篩酒服方寸匕日三夜一服藥十日膿血出勿怪

又方生地黄三升 砒硝三合 鼓一升

右三味合搗傳上執即易之取瘡止一切癰腫皆用之二箱九十一方

治如乳乳癰腫方

右取研米槌二枚炙令熟以絮及故帛搗乳上以槌更互熨之瘡止已用立效

治乳癰堅方

右以水罐中盛醋泔清燒石令熟內中沸止更燒如前少熟內乳漬之及冷更燒石內漬不過二度燒石愈

又方黃芩 白欬 芍藥 各等分

右三味為末以漿水飲服半錢七日三若左乳汁結者即將

去石乳汁若右乳汁結者可將去左乳汁小品云治乳癰方

大黃 鼠屎新者各一分 黃連二分

右三味搗為末以黍米粥清和傳乳四邊痛止即愈無黍米粟米粳米亦得

又方大黃 莽草 生薑各一分 伏龍肝十二分

右四味搗為末以酢和塗乳痛即止有效又方鹿角治下篩以豬脂上清汁服方寸匕不過再服亦可以醋漿水服

又方取葱白搗傳之并絞汁一升頓服即愈

治乳癰二三百日衆瘡不瘡但堅紫色青柳根熨方

千金方 卷七十一
右以柳根削取上皮搗令熟熬令溫成藥線囊中熨乳上乾則易之宿即愈

蒺藜圓治婦人乳腫痛除熱方

蒺藜子 大黃各一分 敗醬一分 桂心 人參

薏苡仁 附子 黃連 黃耆 雞骨

當歸 枳實 芍藥 通草各二分

右十四味為末蜜丸如梧子大未食飲服三丸不知益至五九日三無所忌下方無大黃敗醬黃連通草為散酒服方寸七分

孫真人備急千金要方卷之七十

孫真人備急千金要方卷之七十一

宋朝奉郎守太常少卿充秘閣校理林億等校正

五痔第三論一首 方二十六首

論曰夫五痔者一曰牡痔二曰牝痔三曰脉痔四曰腸痔五曰血痔牡痔者肛邊如鼠乳時時潰膿血出牝痔者肛腫痛生瘡脉痔者肛邊有瘡癢痛腸痔者肛邊絞痛發寒熱血痔者大便清血隨大便汚衣又五痔有氣痔寒溫勞濕即蝮蛇蛇皮主之牡痔生肉如鼠乳在孔中頗出見外妨於更衣蠶甲主之牝痔集驗作從孔中起外腫五六日自潰出膿血獮皮主之腸痔更酒痔作衣挺出久乃縮母猪左足懸蹄甲主之脉痔更衣出清血蜂房

主之五藥皆下篩等分隨其病倍其主藥為三分旦以井花水服半方寸七病甚者日暮服之亦可四五服禁寒冷食猪肉生魚菜房室雅得食乾白肉病瘥之後百日乃通房內又用藥導下部有瘡內藥瘡中無瘡內孔中又用野葛燒末刀圭內藥中服藥五日知二十日若三十日愈痔痛通忌葷菜

治五痔衆醫所不能愈者方
 秦朮 白芷 厚朴 紫參 亂髮
 紫苑 雷丸 藁本 石南
 麝蟲 貫衆 蟲蟲 猪後懸蹄
 右十二味合搗下篩以羊髓脂煎和丸如梧子大空腹飲下

十五丸日二若劇者夜一服四日肛邊瘻上六日膿血盡鼠乳悉瘥滿六十日終身不復發又服益善忌魚猪肉等
 槐子圓治燥濕痔痔有雄雌皆主之方

- 槐子 乾椽 秦朮 吳茱萸根白皮 各四兩
- 白芷 桂心 黃芩 黃耆 白欬
- 牡蠣 龍骨 雷丸 丁香 木香
- 蒺藜 附子 各二兩

右十六味為末蜜丸如梧子大飲服二十九日三白欬深師無黃者云治苦暴有乾燥腫痛者有崩血無數者有鼠乳附狹者有腸中煩癢者二五年皆殺人主忌飲酒及作勞犯之

小槐實圓治五痔十年者方

槐子_{斤三} 白糖_{斤二} 礬石

硫黃_{各一斤} 大黃

乾漆 龍骨_{各十兩}

右七味四味搗篩其二種石及糖並細切內銅器中二石米下蒸之以綿絞即汁和藥末併手丸如梧子大陰乾酒服二十九日二稍增至二十九

槐子酒治同前

槐子_{斗二} 槐東南枝_{細到一石} 槐東南根_{細到三石}

右三味內太釜中以斗六斛水者取五斛澄取清更煎取石六斗炊兩斛黍米上麴二十斤釀之攪令調封泥七日酒

熟取清飲適性常令小小醉合時更者淨取汁淘米及洗器不得用冰須知此事忌生水故也

又方塗熊膽取瘡止神良一切方皆不及此

又方七月七日多採槐子熟搗取汁內銅器中重綿密蓋者宅中高門上曝二十日已上煎成如鼠屎大內穀道中日三亦主瘻及百種瘡

又方取生槐白皮十兩熟搗丸如彈丸綿裹內下部中此病宜常食蒲竹葉及煮羹粥大佳也

又方取鯉魚腸三具以火灸令香綿裹內穀道干食又蟲當出食魚腸數數易之盡三具瘡一方灸腸令香坐一蟲出經月有

效

又方虎頭

犀角

右二味為末和中水猪脂大如雞子塗瘡上取瘡

治五痔及脫肛方

槐白皮兩

猪脂斤半

榛子

槐仁

各拾枚

巴豆

柒枚

薰草

辛夷

甘草

白芷

各半兩

野葛

陸銖

右十味吹咀煎上三上三下去滓以綿沾膏塞孔中日四五過

蟲死瘡止癢痛大佳

治五痔方

猬皮

方參指大切

熏黃

棗大末

熟艾

鷄子大

右三味穿地作孔調和取便熏之口中熏黃煙氣出為佳火

氣消盡即停停三日將患更熏之凡三度永瘥勿犯風冷灸

臏將補慎猪雞等

又方取槐根煮洗之

又方用槐根煮洗之

猬皮圓治痔方亦治漏

猬皮壹具

礬石

當歸

連翹

乾薑

附子

續斷

黃耆

各貳兩

槐子

參兩

乾地黄

伍兩

右十味為末蜜丸如梧子大飲服十五丸日再加至四十九

集驗方無礬石地黃

又方治崩中及痔方

猬皮

人參

茯苓

白芷

禹餘糧

乾地黄

槐耳

續斷

各三兩

蒲黃

黃耆

當歸

艾葉

橘皮

白欬

甘草

各貳兩

白馬蹄

酒浸一宿 熬令黃

牛角鯁

各四兩

鰻鱺魚頭

貳拾枚

猪懸蹄甲

貳拾壹枚 熬

右十九味為末蜜丸如梧子大酒服二十丸日再稍加

治痔方

右取槐耳赤雞一斤

槐即槐是

為末飲服方寸匕日三

又方以蒲黃水服方寸匕日三良妙

外臺云治腸痔每大便常有血者

又方取桑耳作羹平腹飽食之三日食佳

治痔下血及新產漏下方

附子

好礬石

各壹兩

右二味為末白蜜丸如梧子大酒服二九日三稍加不過數

日便斷百日服之終身不發

治外痔方

亦治惡瘡 瘡癩瘡

真珠

雄黃

雌黃

各壹兩

竹茹

參兩

猪膏

壹斤

右五味為末內猪膏中和調又切亂髮半雞子大和東向煎

三上三下髮焦出其痔先用鹽湯洗拭乾後傅之

治痔下部出膿血有蟲傷生孔竅方

治痔下部出膿血有蟲傷生孔竅方

治痔方

治痔方

治痔方

治痔方

右以槐白皮一檐剉內釜中煮令味極出置木盆中適寒温坐其中如浴狀蟲悉出冷又易之不過二三度瘡

治穀道癢痛繞緣腫起裏許欲生肉突出方

大豆急火煮取肆升槐白皮升三甘草兩三

右二味以豆汁煮取二升浸故帛薄之冷則易日三五度

槐皮膏治穀道癢痛痔瘡方

槐皮棟實各五兩外白芷各二兩當歸兩三桃仁陸十枚

甘草刪繁用赤小豆合二

右七味吹咀以成煎猪膏一斤微火煎白芷色黃膏成取摩瘡上日再并導下部刪繁方無當歸治腎勞虛或酒醉當風所損腎藏病所為肛門腫生瘡因酒勞

傷發瀉清血肛門疼癢蜂房膏

治穀道痛方

右用菟絲子款黃黑和雞子黃以傅之日二度

又方取杏仁熬令黃搗作脂以傅之

治大便孔卒痛如鴻啄方

右以大小豆各一斗和搗內兩袋中蒸令極熟更互坐之瘡

灸法

灸冷五痔便灸脊中百壯

五痔便血朱屎灸回氣百壯穴在脊窮骨上

疥癬第四論二首 灸法四首 方六十首

論曰凡瘡疥小秦丸散中加烏蛇肉二兩主之黃耆酒中加烏
 蛇脯一尺亦大效升金翼云黃耆酒中加烏蛇脯一尺烏頭附
 亦有太效小小疥瘡十六味小秦丸
 散亦相當黃耆酒見第二十四卷
 凡諸疥瘡皆用冰銀猪脂研令極細塗之
 治凡有瘡疥腰膝手足皆生疥疥者方

枯蕒根兩肆 黃連 芍藥 薔薇根 雀李根皮
 黃蘗各壹 苦參 黃耆 黃芩 石龍芮兩貳
 大黃 當歸 續斷各壹
 右十三味為末蜜丸如梧子以薔薇飲服二十九日三加至
 三十九瘡乃止乾疥白癬勿服升金翼云所是癰疽皆須服之

治寒熱瘡及風疥諸雜瘡方

千年韭根 好礬石 雄黃 藜蘆 瓜蒂

胡粉各壹 水銀壹

右七味以柳木研水銀使盡用猪脂一升煮藜蘆韭根瓜蒂
 三沸去滓內諸藥和調令相得即成以傅之神良治癰瘡

蘭茹 狼牙 青箱 地榆 藜蘆
 當歸 篇蓄 羊蹄根各貳 蛇牀子

白欬各陸 漏蘆貳
 右十二味搗以苦酒漬一宿明旦以成煎猪膏四升煎之三

上三下膏成紋去滓內後藥如左

雄黃 雌黃 硫黃 礬石 胡粉

松脂各貳兩 水銀兩

右七味細研看水銀散盡即傾前件膏中以十隻筋攪數百遍止用磁器密貯舉勿令泄氣煎膏法必微火急即不用傳藥不可近目及陰先研雄黃等令細候膏小冷即和攪專之

治疥疽諸瘡方

水銀 胡粉各陸分 黃連 黃蘗各捌分 薑黃拾分
礬石 附子 苦參 蛇牀子各叁分

右九味水銀胡粉別研如泥餘為末以成煎猪膏合和研令調以傅之千金翼云無菱黃
治又疥癬方

丹砂 雄黃 雌黃劉治子無亂髮淨 松脂

白蜜各壹兩 蘭茹兩 猪脂貳升 巴豆拾肆枚

右九味先煎髮消盡內松脂蜜三上三下去滓內諸末中更一沸止以傅之千金翼云不用蜜

又方水銀 礬石三作礬石 黃連三作雄黃 蛇牀子各壹兩
右四味為末以猪脂七合和攪不見水銀為孰傅之一方加藜蘆一兩又云蘭茹

治諸瘡疥癬久不瘥者方

水銀壹斤 臘月猪脂伍斤

右二味以鐵器中壘竈用馬通熬七日七夜勿任火出之停

冷取膏去水銀不妨別用以膏傳一切瘡無不應手立瘥千金

翼又用水銀粉和猪脂塗之

又用特牛尿 羊蹄根各五升

右二味以牛尿漬羊蹄根一宿日曝乾復內尿中取盡止作

采傳諸瘡千金翼云和猪脂用更精

又方拔取生烏頭十枚切煮汁洗之瘥

論曰凡諸瘡癬初生時或始痛癢即以種種單方救之或嚼鹽

塗之又以穀汁傳之又以蒜墨和傳之千金翼云蒜作酥又以薑黃傳之

又以鯉魚鮮糝傳之又以牛李子汁傳之若以此救不瘥乃以

前諸大方治之

治細癬方

蛇牀子 白鹽一作白堊 羊蹄根各一升 赤葛根 苦參

葛蒲各半斤 黃連 莽草各三兩

右八味以水七升煮取三升適寒温以洗身如炊石

米為佳澄清後當微温用之滿二日止

又方羊蹄根於磨石上以苦酒磨之以傳瘡欲傳先刮瘡以火

炙乾後傳四五過千金翼云搗羊蹄根著磁器中以白蜜和鹽先刮瘡令傷次以蜜和者傷之如炊石

疥癬方

卷之十一

九

李常

米又拭去更以三年大蒜和
塗之若刮瘡處不傷即不瘡

又方羊蹄根五升以桑柴灰汁煮四五沸以洗凡方中用羊蹄
根皆以日味出採之佳

又方菖蒲末五斤以酒五升漬釜中蒸之使味出先絕酒一日
每服一升或半升

又方用乾荆子燒中央器承兩頭取汁塗之先刮上令傷次用
荆子汁

治癬方

右取煎餅執榻不限多少日三遍良亦治浸淫瘡

又方淨洗瘡取醬辦雀屎和傳之瘡止金翼云取醬

又方水銀蕪蕪和酥傳之

又方日中午搗槐葉汁傳之

又方搗刺薊汁傳服之

又方燒蛇蛻一具酒服

又方服地黃汁佳

又方搗羊蹄根和乳塗之

又方服驢尿良 又方醋煎艾塗之

又方搗黃芩根蜜和傳之千金翼無根字

治濕癬肥瘡方
右用大麻滿傳之五日瘡

治癬久不瘥者方

右取自死蛇燒作灰猪脂和塗即瘥

灸癬法

田中時灸病處影上三炷灸之呪曰癬中蟲毛戎戎若欲治待田中

八月八日甲出時令病人正當東向戶長跪平舉兩手持戶兩邊取肩頭小畜際骨解宛宛中灸之兩火俱下各二壯若七壯十日愈

治小兒癬方

右以蛇牀實搗末和猪脂以傅之

治癩癧方

右以水銀和胡粉傅之

治身體癩癧白如癬狀者方

楮子叁枚

猪胆壹具

鹽壹

礬石兩壹

右四味以苦酒一升合搗令熟以拭身體日三

治癩易方

右以三年醋磨烏賊骨先以布摩肉令赤次傅之

又方醋磨硫黃塗取止集驗又磨附子硫黃待使熟將

又方取途中先死蠅蛆搗爛塗之當指令熟封上一宿瘥

又方白欬

熏陸香

右二味搗上作末水服下

又方硫黃

雌黃

柶皮燒

蛇蛻壹

右四味各等分搗篩以清油合和薄塗白處欲塗時先以巴

豆半截拭白處皮微破然後傳之不過三兩度

又方硫黃

水銀

礬石

竈墨各等

右四味搗篩內坭子中以葱葉中涕和研臨卧傳病上

九江散治白癩風及二百六十種木風方

當歸七分

石南分六

附子

躑躅

秦艽

菊花

乾薑

防風

雄黃

麝香

丹砂

斑貓各肆

蜀椒

連翹

鬼箭羽

石長生

知母各捌分

鬼臼分十一

人參

王不留行

石斛

天雄

烏頭

獨活

防已

莽草各拾貳分

水蛭百枚

蜈蚣參枚

蝨蟲

地膽各十枚

右三十味諸蟲皆去足翅熬炙令熟為散以酒服方寸七日

再其病入髮令髮白服之百日愈髮還黑

又方天雄

白欬

黃芩各三兩

乾薑四兩

附子壹兩

商陸

躑躅各壹升

右七味治下篩酒服五分七日

治白癩方

礬石

硫黃

右二味各等分為末酢和傅之

又方平旦以手掉取韭頭露塗之極效

又方以酒服生胡麻油一合日三稍稍加至五合慎生冷猪雞

魚蒜等百日服五斗瘡

又方取羅摩草煮汁拭之亦指合傷搗白汁塗之

又方石灰松脂酒主之方見卷末

又方以蛇蛻皮熬摩數日過葉置草中

又方樹空中水洗桂為末唾和塗之日二三

又方以水銀數數拭之令熱即消瘡乃止

又方灸左右手中指節去延外宛中三壯未瘡報之

治凡身諸處白駁漸漸長似癬但無瘡方

取鰻鱺魚脂塗之先指病上使痛然後塗

治皮中紫赤痲瘡去麝穢方

乾漆 雌黃 礬石各三 雄黃五 巴豆十五

炭皮斤二

右六味治下篩以雞子白和塗故帛貼病上日二易

治赤疵方

右用墨大蒜鮓血合塗之

治贅疵瘡方

雄黃 硫黃 真珠 礬石 巴豆

蘭茹

藜蘆各一兩

右七味泡下篩以真漆合和如泥以塗點病上須成瘡及去面黥皮中紫不耐漆人不得用以雞子白和之去疣目方

以七月七日用大豆一合拭疣目上三遍病疣人自種豆於南屋東頭第二窗中豆生四葉以湯沃殺即瘥

又方松柏脂合和塗之宿失矣

又方石硫黃指六七遍

又方杏仁燒令黑研膏塗上

又方以猪脂養處指之令少許血出即瘥神驗不可加

又方每月十五日正中時望月以禿條帚掃三七遍瘥

又方苦酒漬石灰六七日滴取汁點疣上亦作瘥即落

又方取牛口中涎數塗自落

又方著艾炷疣目上灸之三壯即除

惡疾大風第五方論一首

論曰惡疾木風有多種不同初得雖徧體無異而眉鬚已落有徧體已壞而眉鬚儼然有諸處不異好人而四肢腹背有頑處重者手足十指已有墮落有患大寒而重衣不煖有尋常患熱不能暫涼有身體枯槁者有津汗常不止者有身體乾癢徹骨搔之白皮如麩手下作瘡者外臺作瘡有瘡癩茶毒重疊而生

晝夜苦痛不已者有直置頑鈍不知痛癢者其色亦有多種有青黃赤白黑光明枯暗此候雖種種狀貌不同而難療易瘳皆在前人不由醫者何則此病一著無問賢愚皆難與語何則口順心違不受醫教直希望藥力不能求已故難療易瘳屬在前人不關醫藥予嘗手療六百餘人瘳者十分有二莫不一親自撫養所以深細諳委之姑與共語覺難與語不受入即不須與瘳終有觸損病既不瘳乃勞而無功也又神仙傳有數十人皆因惡疾而致仙道何者皆由割棄塵累懷頽陽之風所以非止瘳病乃因禍而取福也故余所觀病者其中頗有士大夫乃至有異種名人及遇斯患皆愛戀妻孥繫著心髓不能割捨直

望藥力未肯近求諸身若能絕其嗜慾斷其所好非但愈疾因茲亦可自致神仙余嘗問諸病人皆云自作不仁之行久久並為極癯之業於中仍欲更作云為雖有悔言而無悔心但能自新受師教命食進藥餌何有不除余以貞觀年中將一病士入山教服松脂欲至百日鬚眉皆生由此觀之惟須求之於己不可一仰醫藥者也然有人數年患身體頑痺羞見妻子不告之令知其後病成狀貌分明乃云犯藥卒患此皆自誤然斯疾雖大瘳之於微亦可即瘳此疾一得遠者不過十年皆死近者五六歲而亡然病者自謂百年不死深可悲悼一遇斯疾即須斷鹽常進松脂一切公私物務釋然皆棄猶如脫屣凡百口味特

須斷除漸漸斷穀不交俗事絕乎慶弟幽隱巖谷周年乃瘥瘥後終身慎房事犯之還發茲疾有吉凶一義得之脩善即吉石還同俗類必是凶矣今畧述其由致以示後之學者可覽而思焉

菡豆治惡疾方

右用細粒烏豆擇取摩之皮不落者取三月四月天雄烏頭苗及根淨去土勿洗搗絞取汁漬豆一宿漉出曝乾如此七反始堪服初服三枚漸加至六七枚日一服禁房室猪魚雞蒜畢身毛髮即生犯藥不瘥

岐伯神聖散治萬病癰疽癩疥癬風痿骨肉疽敗百節痛眉毛

髮落身體淫淫躍躍痛癢目痛背爛耳聾齒齲痔瘻

天雄 附子 茵芋外臺作茵草 躑躅 細辛

烏頭 石南 乾薑各一兩 蜀椒 防風

菖蒲各二兩 白朮 獨活各三兩

右十二味治下篩酒服方寸七日三勿增之

狼毒散治惡疾方

狼毒 秦艽各等分

右二味治下篩酒服方寸七日三服五十日愈

又方煉松脂投冷水中二十遍蜜丸服二九遇飢即服之日三鼻柱斷離者二百日服之瘥斷鹽及雜食房室又天門冬酒服

百日愈石灰酒主生毛髮眉鬚去大風方

石灰一作伴水和松脂成煉十斤上麴二升黍米一石右四味先於大鍋內炒石灰以木札著灰中火出為度以枸杞根到五斗水一石五升煮取九斗去滓以淋石灰三遍澄清以石灰汁和清麴用汁多少一如釀酒法訖封四七日開服常令酒氣相及為度百無所忌不得觸風其米泔及飯糟一事已上不得使人畜犬鼠食之皆令深埋却此酒九月作二月止恐熱隔上熱者服後進三五口冷飯厭之婦人不能飲食黃瘦積年及瘧風不過一石即瘥其松脂末初酸釀酒攤飯時均散著飯上待飯冷乃投之此酒飯宜冷不爾即醋

宜知之

治木風眉鬚落赤白癩病八風十二痺筋急肢節緩弱飛屍道注水種癰疽疥癬惡瘡脚攣手折眼闇洞洩痰飲宿癖寒冷方

麴貳拾伍斤 商陸根貳拾伍斤 馬耳切

右二味合於麴中水一斛漬之炊黍米一石釀如家法使麴米相淹三酸畢密封三七日開視麴浮酒熟澄清溫服三升輕者一升藥發吐下為佳宜食弱者飯牛羊鹿肉羹禁生冷醋滑及猪犬雞魚等

治風身體如蟲行方

右用鹽一斗水一石煎成半澄清溫洗浴三四遍并療一切風

又方以淳灰汁洗面不過一月

又方以大豆漬飯漿水且白温洗面洗頭髮不淨加少麩勿以

水濯之不過十度

又方成煉雄黃松脂各等分蜜和丸如梧桐子大飲下十九日
三服百日愈慎酒肉鹽豉等

孫真人備急千金要方卷之七十一 丙辰冬十一月大戶孟適校

又方以蓮皮汁洗面不過一月

又方以大豆渣煎水且日溫洗面先將藥水淨洗

水瀉之不過半度

又方成煉雄黃松脂各等分末和以好酒相和
三服百日止余皆效肉腫鼓等

孫其備急千金要方卷之七十一 兩辰六寸許方寸五

